

He Ho'ohanohano No Ka Me'e O Ka Hula

'Oiai mahalo nui 'ia ka Mō'i Kalākaua no ka ho'āla hou i ka hula, ua komo pū kekahi o nā mō'i ma mua mai i ia ho'āla hou 'ana.

Ua hānau 'ia 'o Lot Kapuāiwa ma ka makahiki 1830. 'O Liholiho (Kamehameha IV) kona kaikua'ana, a 'o Kamāmalu kona kaikuahine. Ma ka hala 'ana 'o Liholiho, ua poni 'ia 'o Lot 'o ia ka mō'i Kamehameha V mai ka makahiki 1863 a i kona hala 'ana ma ka makahiki 1872. Ma kona wā noho mō'i, ua ho'okau 'ia he kumukānāwai hou. Ua wāwahi 'ia nā kānāwai e pāpā ana i ka la'au lapa'au a me ka ho'omana Hawai'i kahiko, a he waele ia wāwahi 'ana i ke ala e ho'i ai ka hula i ka lāhui.

No ka nui o kēia hana, ho'ohanohano 'ia 'o Lot i kēlā me kēia makahiki ma ka 'aha hula ho'okūkū 'ole nui loa ma Hawai'i. Ma nā lā 21 a 22 o Iulai, e mālama 'ia ana ka Prince Lot Hula Festival kūmakahiki 41 ma ka pā o ka Haleali'i 'o 'Iolani ma Honolulu.

'O ke kāko'o 'ana i nā hanana 'ōiwi Hawai'i nui e like me ka Prince Lot Hula Festival, he kahua ia no ko HTA 'imi ho'oikaika mo'omeheu Hawai'i me ke kāko'o pū i nā hanana e pā ai ka na'au o nā hoa kipa. Manuahi ke komo i kēia hanana. E kele aku iā moanalugardensfoundation.org no ka 'ike hou.